

صاحبي ، مديري ، محوري :



آبونه بدلي :

سنه لکي ۱۰۰ غروش  
آلتي آيايي ۵۰ »  
اوي آيايي ۲۵ »

# مخبر

## ۱۳۳۸

اداره خانه سي :  
شهرزاده باشنده (تعالی اسلام)  
جمعیتی مرکز عمومی  
مرکز توزیعی :  
باب عالی جاده سنده اتحاد  
تجارت کتبخانه سی  
اسلامک نفعنه خادم مقالات  
مع القشکر قبول و درج اولونور

يازاڭك شخصيتي دكل ، يازينك اهميتي  
نظر دقته آليتي

دینی ، علمی ، ادبی ، اجتماعی و شجری  
مجموعه اسلامیه در

كلن يازيدن شايان قبول كورولن تاريخ  
ميراسيله درج اولونور .

عدد : ۵

۱۳۳۸ ربيع الاوله مخصوص نسخه

في ۷ بوجوق غموش

### مذمومات :

قرآن كريمك ايلك نازل اولان آيتلري (طاهر المولوي) - برآيت مناسبيله (فريد) - يوم وانواعي : (احمد ضيا) -  
علم هيتك مبدأى (سعدى) - ربيع الاول ومولد شريف (طاهر المولوي) - مولد نبوى احتفالتك مستند شرعى (محمد كامل) -  
اسكيدن متقبه مولد قرائتى ناصل اجرا ايديليردى (عطا تاريخي- طيار زاده عطا بك) - مدحت رببى بك مرحوم: (طاهر المولوي) -  
غنى كشميرى وبعض ايساني (طاهر المولوي) - بحبي افندى دركاهى شيخك تاريخ ارتحال (سعود المولوي) .

### ربع دائره نك صورت استعمالى

احمد ضيا بك افندى طرفدن تحرير ايديلوب طبع ايديلكده اولديني محفلك ۳ نجى نسخه سنده تيشير اولونان  
ربع دائره رساله سي بودفعه برطرز نوين وكزينده اكمل ايديلهرك حكاكر چارشيسنده خواجه مصطفى اقدينك  
دكاننده (۴۵) غروش بدل ايله صالقمده در .

مؤلف موماليهك (ربع دائره نك اساسى وطريق ترسيمى) عنوانلى رساله سنك ده قريبا انتشار ايدى جكي مع المسار استبشار ايدلشدر .

دینی درسار — مؤلفی آقسه کیلی احمد حدى

اسلام یولی — اسكيليلى محمد عاطف

اسلام چيغیری — » » »

بواثرلرده ميدان انتشاره قونولش وعموم كتابچيلرده صالقمده يولو نمشدر . كرك ضيا بك افدينك ، كرك حدى  
وعاطف افنديلرك قدرت فاضلانلري مجموعه ده كي يازيلريله مبرهن اولديغدن اثرلري حقنده فضله سوزه لزوم  
كورميورز هر يرنى مؤلفات جديده مراقيليرينه توصيه ايدرز .

آبونه لريزدن رجا — محفلك نسخه لري صورت منتظمده كوندريلكده ايسده آبونه لريزدن بعضيلرينه واصل  
اولامادقلري آكلاشيلور . بناء عليه مجموعه سي كلمه ين ، برده تبديل اقامت ومأموريت ايله ين آبونه لريزك اداره مزه  
معلومات ويرمه لري رجا اولونور .

## محفل دینی و علمی :

## قرآن کریمک ایلک نازل اولان آیتلری

بِسْمِ اللَّهِ الرَّحْمَنِ الرَّحِيمِ

اقرا باسم ربك الذي خلق . خلق الانسان من علق .  
اقرا وربك الاكرم الذي علم بالقلم علم الانسان ما لم يعلم .  
الله اعلم ما شئنا :

[ خالق کائنات اولان وانسانلری پختیلاشمش قانندن  
یاراتان ربکک اسم مقدسیله او قومایه باشلا . او قوکه  
رب اقدسک از باب کریمک اکر میدر . قلمی واسطه تعلیم  
قیلمش ، انسانلره بیلیمدهکلیری اؤکره تمشدیر ]

بخاری شریفک ابتدالرندهده حضرت عائشه رضی الله  
عنها وعن ابویها دان مروی اولمق اوزره محرر بولوندیغی  
وجهله شو آیات جلیله : قرآن کریمک ایلک نازل اولان  
آیتلریدر .

رسول اکرم صلی الله علیه وسلم افندیمز ؛ نبوتله  
بعث اولنمادن اولده فکر توحید ایله معتقد و شریعت  
ابراهیمیته بقیه احکامیله متعبد بولوندیغندن رمضان  
آیلرنده براز نواله آلوب ( جبل حرا ) یه کیدر [۱]  
اورادهکی برمقاردهده ( تحنث ) یعنی خلوت وانزوا صورتیله

[۱] جبل حرا - که ( جبل نور ) ده ده نیلیر - مکه ایله  
عرفات آراسنده ومکدن اوچ میل اوزاقده واقع بر طاغیر .  
مقابلنده ( تبیر ) دیدکلی جبل واردر .

جبل حرا و غار اخفای حاوی بولونان ( جبل نور ) مکهک  
شام طرفنه دوشر و آرلرندن بر وادی کچر . کک طاقیر ،  
کک وادی ، مکدن منایه کیدنلرک صولنه تصادف ایدر .  
جبل حرا اوستنده و ( شق الصدر ) وقوع بولان یرده بنا  
ایدیلش بر مسجد ، بوندن ۵۰۰ خطوه جنوب جهندهده  
جواننده ایلک وحیک نزول ایتدیکی مقاره موجوددر .

جبل حرانک اتکندن شق الصدر مسجدینک بولوندیغی بره  
قدر بول ؛ دیک و دونه چلی اولدیغی ایچین آزادهکی مسافه ؛ ابریم  
صاعت ، نهایت یکرمی دقیقهده قطع اولونابیلیر .

قدرت الوهیتی تفکر ایدردی . نیته کیم جمد مکرمی  
( عبدالمطلب ) حضرتلریده هر رمضان اوراده بولونور  
ومراجعت ایدن محتاجینی یانندهکی بیه جکله طویوروردی .  
کذا ( ورقة بن نوفل ) و ( ابو امیه بن المغیره ) کبی  
کیمسه لکده بو اصوله رعایت ایتدکلی تاریخاً مضبوطدر .  
علیه الصلوة والسلام افندیمز ؛ قرق یاشنه کیردیکی کبی  
مهبط وحی الهی اولدی . فقط آلتی آی سورن مقدمات  
وحی ؛ عالم منامده تجلی ایدیورودی که کوردیکی هر رؤیا  
عیناً [ فلق صبح کبی ] ظهوره کلیوردی . بر حدیث  
شریفه « رؤیای صالحه ؛ نبوتک قرق آلتی جزئندن  
بریدر » بویورولمش و بوندن مقصد ۲۳ سنهک مدت نبوتک  
آلتی آی دیمک اولدیغی محدثین طرفندر ایضاح ایدیلشدیر .  
بدایت رؤیادن آلتی آی صوکرانکی رمضان شریف  
ابتداسندهده علیه الصلوة والسلام افندیمز ؛ برمعتاد  
اومقارده کیمش و اطرافک سکون وجدتی آراسنده معبود  
یکانه یه ۱۶ کون عبادت ایتشدی . شهر غفرانک ۱۷ نجی  
پازار ایرتهسی کونی (۲) جبریل امین ، شکل بشرده ظاهر  
اولارق اوچ دفعه ( اقرأ ) یعنی « اوقو » توصیه سنده  
بولونقدن و نبی امی حضرتلرندن ( ما انا بقاری )  
یعنی « بن قارئکم بیلیم » جوابی آلدن صوکر  
بوقاریکی آیتلری اوقومش ، یقظه حالنده ایلک وحی ایله  
برابر نبوت محمدیغی تبلیغ ایله مشدی .

وقعه نک تمامی حکایه ایتک ؛ بورادهکی مقصده  
کوره صدک خارجنده اولدیغندن اولدن صرف نظرله  
دیمک ایستیورم که :

نظر اسلامده علم و عرفانک نه قدر معتنا اولدیغی شو  
آیتلرک تأملندن پک رعنا آکلاشیلیر . چونکه : جناب حق ؛  
پیغمبر اکبرینه ایلک کونده ردیکی وحی « اوقو » امریله

(۲) نزول وحیک ربیع الاول ایچنده ابتدا ایتدیکندهده  
قائل اولانلر واردر . شو حالده آلتی آی سورن مقدمات وحی ؛  
ربیع الاولده باشلامش و یقظه حالندهکی ایلک وحی ؛ رمضانده  
وقوع بولشدیر دیمکه ایکی روایتک توفیق ممکندر .

مصدر اولارق تبلیغ ایتدیریور . صوگرا ذات اجل  
واقدنسک ا کرم ارباب کرم بولوندیغنی بیلدیرمکه برابر  
جهله مکارمندن بری ده انسانه بیلیمه دکلرینی اوکره تمک  
وبو فیض تعلیمی قلم واسطه سیله اجرا ایتک اولدیغنی  
خبر ویریور . نظم ربانیدنسک دیگر بریرنده قلمه واونکه  
یازیش اولان سطور معرفته قسم بویورویور .

قدر قللی آکلاکه اجلال عظیمی  
نزدیک آهیده بیله جای قسندر  
هونی

اعلم الانبیاء علیه اکل التحایا افندیمرده طلب علمک  
قادین ، ارکک هر مسلمانه فرض اولدیغنی اخطار وعلمی  
اوکره تمه نک خشیت ، طلبک عبادت ، مذاکره سنک  
تسبیح ، مباحثه سنک جهاد ، بیلیمه نه اوکره تمه نک صدقه ،  
ارباب استعدادده بذل ایتمه نک اللهه تقرب درجه سنده  
بولوندیغنی وحلال ایله حرامک آنجاق علم ایله بیلیمه بیله جکئی  
( تعلموا العلم فان تعلمه خشية وطلبه عبادة ومذاکره  
تسبیح والبحث عنه جهاد وتعلیمه لمن لا یعلمه صدقة وبذله  
لا هله قرابة وبه یعرف الحلال من الحرام - کشف الغمه -  
عبدالوهاب شعرانی ) حدیث تشویق بیانیله اخبار ایدیور .  
او حالده . . . علمک وتعلم وتعلیمک مسلمانلقدده کی  
اهمیت وقدستی حقنده فضله سوزه حاجت قالماز .

طاهر المولوی

بر آیت مناسبتیله :

« لاینیج » . کوره عالم وجودک هر جزئی مظهر  
حیات اولدیغندن هیچ برشی عدمه منقلب اولماز . عدمدن  
ایجاد اشیا نصل بر امر فوق العاده ایسه اشیا موجوده نک  
عدمه ارجاعی ده اویله بر امر خارق العاده در . شو قدر  
وارکه بوتصرف قدرت الهیه دن خارج دکلدر . جناب حق  
اشیائی وجوده مقارن قیلدیغنی کی عدمه ده مقارن قیله بیلیر ،  
آنجق موجودی معدوم ایتک ایچون یاراتماشدر . هر

شیئک نامتناهی ماخلق لهی اولدیغندن موجوداتک کافه سی  
نامتناهی غایاته متوجها حرکت ایتمکه ، فقط هیچ برشی  
معدوم مطلق دینه جک حاله کله مکده در . بنابرین موت  
دینیلن کیفیت ، آنی بر تبدلن باشقه برشی دکلدر .  
وجودک بو استحاله سی آکا حاکم اولان « موند » ک ماده  
ایله ( یعنی کندی اطرافنده جمع ایلدیکی تالی « موند » لرله )  
بوسبتون قطع علاقه ایتسنی استلزام ایلز . زیرا قانون  
اتصال بوکا مانعدر . حیات حاضره ایله حیات مستقبله  
آراسنده مناسبات مشترکه واردر . نفس ، یاخود روح  
کندی قالب اخیرینک جزء رقیقی ، علی الخصوص کندی  
ادراکات سابقه سنک غیر قابل زوال آثارینی دائما محافظه  
ایدر . شو حالده موت دینیلن کیفیت ، حقیقی اولمقدن  
زیاده ظاهری دینه بیله جک بر حادثه خارجیه در .

اولک بویله اولدیغنی کی دو غمق ده باشقه برشی دکلدر .  
اوده بر نوع اولومدر . فقط بوندن روحک ایدان مختلفه  
حلولی دیمک اولان تناسخ معناسی آکلاشیلما مالیدر . هر  
هانکی بر صورت تحتده ظهور ایدن بر موجود ، آندن اول  
داها نیجه نیجه صورتلر تحتده وجوده مقارن اولمشدر  
ادراکات مکتسبه ساحه سنده جولان ایدوب هنوز  
شعور مرتبه سنه ارتقا ایلدیکی جهته موجودیت سابقه سنه  
متعلق اولان حالاتی تذکر ایده مز . جوینه منویه داها  
واسع بر ساحه یه ، یعنی ساحه انسانیه کله دجه عقل وشعوره  
صاحب اوله ماز .

حیات نباتیه و حیوانیه علی التدریج شعور مرتبه سنه  
واصل اولور . نفس ذات الحیات ترقیاتنده دوام ایله مرتبه  
عقل وشعوره ارتقا ایدر .

حیوانات سائرهدن تمیز مزی استلزام ایدن شی ،  
حقایق واجبه ازلییه دائر اولان معرفتمزدر . بومعرفت  
سایه سنده دائره انس الهی به داخل اولوب معشر ارواحک  
افرادى عدادینه التحاق ایلر . تک بر روح ، بر عالم  
حکمنده در . زیرا او یالکز عالمی افاده ایتز ، آنی بیلیر .  
اونده سنت الهیه به وجهله اجرای تصرف ایدر . جواهر